



Czedë chłop mô sznëpã

TÓMK FÓPKA

Czedë chłop mô chòcle letką chòrosc, razã z medicinã wchòdò w jegò zëcé i zëcé jegò nôblëższich – astronomiò. N-ròz całò zemsκό kùgla jakbë sã zaczãła wkòł niegò krãcëc...

Wezmë takã sznëpã. Cecze z nosa. Białka wiedno mô przë se jaczi sznëpelnuk, zwëczajną papierzanã chùstkã do nosa. Wëcygnie, òbetrze i... załatwioné. A tak cëchò dmùsze, że nick czëc ni ma.

Chłop, chòcò mù stënka na pòł métra wisy, jesz za czims sã òbzérò. Mòze czekò na brawa, że takcos sóm zrobił, i nawetk przë tim rãką nie rësziz? Abò mù sã w mùskù fazë ùzemnië bez taczì òdgròmnik. Żelë je kãsk nerwës, to nigle białka z chùsteczką dobiegnie, òn mô ju to:

- Rãkòwã òbcarté
- Zgùbioné òb drogã
- Nazòt wcygnioné.

Jak równak ta wespółkã na czas przinãdze, chłopiszczë dmùsze, jakbë òdżin w wiòldzim piéckù chcòł pòdskacëc. A trzòskù przë tim je tëlì, że starszi sãszòdze wòjnã wespółminają...

Czej chłop dmùsze w chùsteczka, tej ju wiész, że òn je chòri. Nòlepi zarò mù lózkò przërechtozac a tidzëń wòlnégò na jegò dozëranie wzac, tzw. chłopòrzińszcë. Je wiëdzec, że taczì chòri chłop brëkùje wiele wiãcy robòtë jak troje sztëk dzeczy. Czedë chòrò na letką chërã białka bierze lécziz i jidze do robòtë, chłop we wërach stãkò a ùmiërajãcym glosã prosy ò ksãdza. Nòlepi mù w tim lózkù całë chëczë zmiescëc. Zdrzëlnik wstawic, pilotë na stoliczk pòlòzëc. Hùpã ksãżk przë lózkù, ga chcòlbë co przëczëtac. Laptop z internetã – òbrzëszkòwi. Òkna pòzamëkac, bò przëczëc. (Przez pòrã tidzëniów w taczim apartamencie nie ùchòwò sã zòdnò mùcha). Òdswiãtné szlorcziz na stopcziz wsënac. W piżamã, tã, co na czòrnã gòdzënë je schòwòno, òblec. Mòltëchë trzë razë dzënno donaszac. Na cepłò. Smùkac, mùjkac a przede wszëtczim – żalowac. Jaczi të biédny... Jaczi chòrëchny... Czedë spi, tej ni ma sprawë. Gòrzi, jak łazy pò jizbach a gãstoli. Tedë trzeba òtemknãc òkno. Chùtkò wlëze taczì dërda nazòd pòd gãsë gòrë. I bãdze cerpiòł. A przëziwòł. Ale gòdzënow przëjimaniò jegò pëlów, co mù kòzdi doktór



Je wiëdzec, że taczì chòri chłop brëkùje wiele wiãcy robòtë jak troje sztëk dzeczy.

z chãcã skòpicã zapisze, pilëje białka. Bò te całë receptë nie sã na chłopszcë mëszenië. To trzë razë dzënno, to le ròz. To na noc, a to na... nos. Tim sã smarowac, a to wdichac. A to? Tegò lepi do rãcziz mù nie dawac, bo to je farwa do włòsów, co bez przëtròfk białka nië w tã reklamówkã włòzãła... A jesz do kòzdi driakwie je lecònka doparlãczonò. Po jiz przëczëtanim taczëmù wrażliwcowi colemało sã ju tegò lékù nie chce na òczë òbzerac.

Za sznëpã cygnie rzëpa, to je kaszel. A czichanië. Tak pò pròwdzë to pierszë je czichanië, co zapòwiòdò, że je cos z chłopùlkã nië tak. Żlë je alergikã – pewno jaczi kòt je doma abò co bütën kwitnie. Abò chëcz dòwno nie bëła sprzãtòno... Sã téz taczì, co jich pò tobace w nosu gëldzy. Në i sã ti przëznobiony abò ti, co do nich chërã z léftu przëszlã. Czichanië je baro niebezpiecznë w całoscë dlò òkùlòrników a tëch, co jesz nie sã nòložny swòjiz nowiz państwòwiz szczãcziz. Mòze téz òstrëgò strachù nanëkac tima, co kròtkò czichòcza sã. A je na Kaszëbach ród glosnoczichajãcëch, co jich bòdòj pòznac mòze pò wiòldzich knërach...

Pò glosnym czichniãcym je ryzikò, że zabòli głòwa, bò taczì czich zarò w głòwã jidze. Pòdobno je z kaszlã. Tuwò jesz piëca bòlã a człòwiek chrapieje. Kaszle sã ròznë. Taczë, co rwiã. Co zatikajã a dësã... Na rzëpienië dówajã syropë. Sã òne gòrzczë, słòdczë a nijaczë. Te słòdczë sã dlò dzòtk.

Mòze téz swòjégò chòrëchnégò chłopka pòd klukã dac (lampã do nagrëzëwaniò) a kruk z gòrãcã wòdã do nogów mù pòlòzëc. Pierznã zawinãc. Pòdëszkã pòprawic a szrëpë na plecach pòstawic. Mùsziz przë tim òpasowac, cobë do jaczégò gnòta jich nie przësusac... Inhalacjã mòze zrobic. Jaczi felietòn za niegò napisac. Kùsznac na bëlny spik i na pòluszkach z jizbë wiñc. A reno òd nowa... jaż do cëdownégò òzdrowieniò... ze sznëpë.

Przë pòwòzny chòroscë białka sama jidze do doktora. Czedë chłop je mòcno chòri, gòdò, że nick mù nie je i leno zëbë nië do doktora... Dze w tim szëk? Mòze temù białcziz sã zdrowszë i dlëżiz na tim swiece gòscã? A mòze to wszëtckò wina refòrmë służbë zdrowiò?